

續行水金鑑

地710

2254-2

部E:41



續行水金鑑卷第七十七

運河水 章牘五



雍正九年四月十一日嵇曾筠奏山東禹王臺壩工實
爲江南下游保障緣上年咨商修築未免隔屬耽延
仰蒙

諭旨臣卽前詣該工看得沭水源長性猛今於竹絡石
壩二十七丈外依其頂衝形勢統建石工六百餘丈
蓋以竹絡盛石堅重隨沙坐實且上秋水力猛峻而
石壩屹然不動已有明驗其餘接連岡阜仍築土隄
沭河口門大爲挑浚以順其入海之路所有料物已
發帑購辦上緊疏築務期壩高隄實河深堵截沭水
俾由故道直趨入海以除浮溢之患再江工引河業
已挑浚夾江鐵心壩亦已築成從前夾江之水逼注
瓜洲今創築壩工攔截俾夾江水全歸南岸依山東
下而瓜洲水減丈餘將來伏汛屆臨開放引河後大
溜自必更加分減瓜城可保無虞奉

上諭嘉悅覽焉保障江河一切要務惟卿是賴勉爲之
聖人垂訓智仁勇三字並重缺一不可在卿分中勇字
更當加勉凡應獨力承當之事概弗推諉下吏自必咸
皆感服奮興無論鉅細工程須集衆心羣力方使成功
非一二人所可能者運道民生關係綦重省帑乃屬末
節萬勿狃於節慎之見以致因小而誤大也誌之

硃

批論
旨

是月二十三日部題上年十二月初十日稽會筠奏
宿遷駱馬湖一承東省運河水一承蒙沂山水一承
荆山口宣洩河水滙爲巨浸且與運河僅隔一綫孤
隄舊有蓄洩口門名十字河引湖濟運兼以刷黃歷
年久遠有利無患其湖之尾間有六塘河以資宣洩
歷宿遷桃源清河安東沐陽至海州歸海嗣湖水微
弱恐黃水倒灌將十字河口門堵閉又於西寧橋迤
西高處建築攔湖隄壩因此湖水不通專資黃水濟
運致中河之水由劉老澗挾沙而下將入海舊路淤
阻今秋東省山水暴漲合流下瀉全無去路浮溢隄
岸臣等籌畫亟應將十字河口門復舊俾駱馬湖水
流入中河刷深運道兼敵黃流其西寧橋迤西攔湖
隄壩酌量開寬俾湖水由六塘河迤下分流入海則
上游水有歸宿不至壅滯浮溢如慮開放後湖水微
弱應於十字河口門建草壩一座伏秋水盛開放冬
春水弱堵閉其西寧橋迤西亦如前法建築草壩視
水盈縮以爲瀦洩至六塘河迤下河身在宿桃境內
者尙屬流通在清安沭海境內者間段淤墊亟宜大
挑卽以挑土幫築子堰當經檄飭淮揚道白鍾山淮
徐道呂維炳勘估據詳駱馬湖三合土壩之下項沖
中河廟灣頭埽工應酌挑引河長六百十三丈導水

東注其六塘河至清河朱家莊河分南北二股北股自朱家莊起歷沭陽至安東謝家莊入碩項湖由海州龍溝義澤河入潮河歸海應挑河六千七百九十四丈南股亦自朱家莊起歷安東蘇家蕩至沭陽孟家渡武障河入潮河歸海應挑河六千八十七丈每方照例給銀九分約計土方銀五萬一千餘兩卽以挑土運於兩岸各離河十五丈外築子堰攔束水勢所有宿桃安清海贛三廳應請加兼管水利職銜以便查察如有淤淺卽令該地方官督同佐貳率夫於農隙疏濬其挑土並可增培子堰將見河深堰高暢流無滯安東沭陽至邳宿一帶不惟河防有賴抑且

水利無窮二月初十日奉

旨該部議奏部議應如所題奉

旨依議

南河成案

五月初四日田文鏡奏四月二十七日接山東撫臣岳濬札開請設駐沂道員敬錄

硃批諭旨

命臣等商酌意見相同時題請原奏請將兗寧道所轄之泰安州及各州屬縣並安東一衛共三州八縣一衛另設一分巡泰莒沂道管轄駐劄沂州臣查沂州爲南北衝途要地向有副將駐劄今再設道員彈壓誠爲周密惟泰安州係濟東道所轄該道駐劄省城

泰安州與省城較近距沂稍遠若改歸沂州道管轄一切事務文移舍近就遠未免不便而去此泰安及所屬三縣又止莒沂兩州並所屬五縣似於監司體制未稱查兗寧道所管運河千有餘里道遠事繁是以從前係濟寧道銜專司河務無分巡地方之責迨康熙五十三年東兗道裁汰後始將兗州府屬歸入管轄改爲兗寧道事務倍繁難於兼顧今沂州旣復設道員則兗州府所屬十四州縣莫若仍歸沂州道管轄連沂莒所屬共二十一州縣至兗寧道所屬尙有直隸曹州東平並所屬八縣雖舊隸兗州府亦爲東兗道所轄但距沂州遙遠若一併改歸沂州道又恐鞭長莫及且曹東等州縣俱係沿河地方附近濟寧而兗寧道已去兗府十四屬止此兩州八縣尙可管理似應就近仍令兗寧道管轄如此則責均任專於地方河務有益臣已備細札覆撫臣商酌至沂州舊道衙門作何修整之處亦一併札致撫臣查明定議請

旨遵行奉

上諭所議是會疏題請

批諭旨

硃

六月初六日山東河南河道總督沈廷正奏東省戴村壩工臣兩次親勘應將接連滾水壩之新建石壩高出二尺處先行拆去與舊壩相平與部議適合其

接連亂石壩之新壩高於舊壩止有六寸接連玲瓏壩之新壩高於舊壩一尺三寸若俱拆去二尺尙應增補方平舊壩但辦石鑿砌大需時日今臨伏汛恐工半水至非特糜帑且汶水傾注不能抵禦况霜降過後仍應會勘拆修則此接連亂石玲瓏之新壩似應停其拆砌霜降後勘明興工臣赴豫商之督臣田文鏡及協理河臣朱藻意見相符已經會同咨部俟秋汛後再同朱藻前往確勘興工另奏至禹王臺竹絡壩工前因領帑分築之沂鄒海贛同知吳象賢玩工侵帑業經會參遴委泃河通判蔣祈年往署接修任事以來勇往急公所修竹絡壩上下兩層照估剋期築竣現在儼砌邊絡不日完工俟工竣後應聽江南河臣嵇曾筠會題惟沂鄒海贛同知一缺經管兩省工程最爲緊要今通判蔣祈年辦事勤敏堪膺此任臣與督臣田文鏡商酌題請奉

上諭所請是

批諭旨 殊

是日又奏東省運隄經前署河臣田文鏡估題仰蒙俞允發帑興工臣接部文隨撥帑銀令道廳等遴選幹員募夫分修復親赴各工詳勘務期帑不虛糜工收實效臣兼至汶上縣所轄之何家壩查勘該壩坐當汶河西岸蓄水濟運衝刷流沙爲南北運行關鍵因年久椿腐石坍復經上年大水其雁翅隄岸又俱潰

缺一遇汶漲沙流入運劉老閘頭二口遂致淤淺此
壩工急須照舊速修俾資蓄洩已飭兗寧道王鴻勳
據實確估俟詳到題請修築

批諭旨 硃

八月嵇曾筠奏臣因宿遷黃運兩河當駱馬湖之首
衝所以臣親駐宿遷上下策應調度於七月內湖水
長發已經搶護平穩今八月初十以後湖水又長隄
埽工程業已搶築加高湖流循軌東注總因禹王臺
又六塘河疏濬通暢宣洩湖之下游俾得去路順利
是以湖水雖大而無疎虞伏查沭水於七月初九等
日長至七尺五寸至二十九日又陡長一丈而禹王

續行水金鑑卷七十七

運河水

六

臺千丈壩工抵住水勢卽由沐河就近入海不得下
趨所有邳宿黃運湖河一帶運道民生咸資利涉而

登衽席

批諭旨 硃

十一月二十六日工部議得山東河南河道總督今
管理直隸河道總督沈廷正等疏稱東省東平州戴
村壩原賴以遏汶濟運聚泉利漕爲運河最要關鍵
原有州判專司壩務後經奉裁遂無專責今奉拆新
整舊正興大工錢糧料物更須專員查察况東平州
係捕河廳汛地其管河州判卽屬該廳管轄是以請
將戴村壩統歸捕河廳管理交東平州州判專司其
戴村壩下至分水口一帶汶河係東平州地方者仍

歸捕河廳統轄係汶上縣地方者應歸運河廳統轄以專責成應如所題奉

旨依議

運河道冊

是年堵築完固口先是滹沱漸趨北道雍正初單家橋河頓涸五年 怡賢親王開挑淤塞導水入運至是議者以水性分流則緩濁停妨運復堵塞之

畿輔安

瀾志

是年朱藻督理東河修南旺湖圈隄加浚斗門 按南旺湖古之大野也禹貢大野既瀦周禮兗州澤曰大野地在鉅野縣北濟水故瀆所入也漢決瓠子注鉅野五代後河南徙滙於鉅澤與梁山灤合爲一連

續行水金鑑卷七十七

運河水七

南旺蜀山諸湖方數百里今南旺在汶水西南漕河貫其中湖界爲二東湖廣倍西湖南盡蜀山北接馬踏西北接安山西南接馬場及昭陽諸湖於五水櫃中最當要會禹治水大野鍾洙泗濟水而成泗通於汶沂通於淮泗之上源又自大野通於濟揚徐兗之貢道由此而達地形與任城太白樓齊南北通達之脊也西湖環築隄岸萬五千六百餘丈開渠與隄並長湖內橫穿小渠二十餘道引水入漕東湖以東地高無須防遏植柳豎石封界南至長溝小河口蘇魯橋北至田家樓受水處亦築隄視西湖功又倍焉迨後湖身日淤占種盜決皆爲民田常居敬於高下相

承之地築東湖小隄隄內永爲水櫃隄外作爲湖田聽民佃種康熙四十年大加修築至是重修補治殘缺兼復斗門使汶水收入湖內南運不足開濟運閘放水使南北運不足開關家大閘五里鋪滾水石壩放水北注今雖運道改行新河南旺湖落在西岸水低於運然運河水大則可洩以爲蓄運河水小亦可引入昭陽等湖遇旱乾蓄水水車亦足濟事圈隄斗門之濬築不可緩也全河備考云西湖積沙日久高地雖多而窪處仍可洩蓄濟運宜疏通復其原界不可聽民開墾若輕給耕種必且廢爲平陸一遇旱潦緩急無恃非如安山無礙運河者比南旺一湖北運

資以利濟卽南運需水亦必俟金口壩黑風口五里營閘十里鋪閘安居閘並楊家壩盡皆啟放仍不足濟運然後開十字河俟重船一過南旺卽將十字河堵閉南旺湖之重若此而後可以權南北之運也

河渠

紀閘

是年堵閉花莊閘改建草壩大浚鹽河 按鹽河分洩中河盛漲之水經清山安海入潮河歸海轉運場鹽海柴灌溉田疇康熙二十六年靳文襄始建閘於清河縣西之臨運口門迨運口改於楊莊鹽河口門亦移花莊至是大溜下移鹽河口門形勢不順閉閘改建草壩冬春水小堵閉草壩蓄以濟漕夏秋糧艘

過完啟放草壩運送鹽柴惟河窄水淺紆曲綿長攻沙力弱若通入黃水濁淤更速故王營減壩不輕議啟長河以時疏濬嵇文敏於改建草壩後大疏鹽河爲善後計自鹽河開越河頭壩起至山安界朱元莊迄新安鎮濬河二萬九千六百丈有奇又平旺河隄尾迤下至新安鎮三十餘里向無隄堰水勢散漫安沐海一帶田竈被淹卽以挑出之土築成子堰鹽運民田兩益近時於下流武障項沖牛墩六里義澤等河各建滾水石壩口門設草壩隨時啟閉水有收束以防橫流亦制沙不敝之法也

河渠紀聞

是年修復戴村壩舊制拆低新壩改建磯心五十六

續行水金鑑卷七十七

運河水

九

中留水竇五十五以資宣洩 按汶河下注之水入於大清河大清河亦名鹽河卽禹貢導沈水東流爲濟東北會於汶者也宋禮於坎河口西築戴村壩截汶南流至分水口南北濟運壩初用土增築高厚植柳培護水無旁洩留坎河口刮沙作壩蓄水歸運水漲聽其連沙衝出然歲築歲決明萬恭疊石爲灘潘季馴築石爲滾壩屢加修治何國宗又於三壩內增築石壩涓滴不行淤積日高至是總河田文鏡朱藻先後定議改壩爲閘建磯心五十六中留水門五十五安設閘板以資蓄洩又以不能啟閉另築土壩名春秋壩前人作事謀慮深遠宋尙書不壩坎河口與

馬之貞埜城築土壩同一作用余毅中以坎河創石
爲壩有隙可以洩水無路可以通沙擬建閘以時蓄
洩張文奇仍議築土壩謂石灘能走水不能走沙均
不出宋公留坎河不壩之意萬公以石爲灘潘公以
石爲壩亦得其意而變通用之不敢輕視坎河誠慎
之也

河渠紀聞

雍正十年五月署江督尹繼善河督嵇曾筠議奏江南
水利事宜 按會勘籌議疏運鹽河又山陽縣境內
向有河二道中夾沙岡其南爲大沙河其北爲界溝
河舟行由此往來田畝賴以蓄洩自康熙三十五年
童家營隄工漫淹二河遂淤水無從洩田常被浸亟

續行水金鑑卷七十七

運河水十

應疏浚以利民生再揚州府城河二道又繞城河二
道處處委積致揚城內外積潦莫洩貨運不便應浚
深通水口各建石閘以便啟閉

河渠紀聞

是年直督劉於義議青龍灣壩工毋庸改作事宜疏
稱青龍灣壩工

皇上親授方畧建減水壩以洩全河之水使河西務險
工保穩爲運道民生永奠安瀾筐兒港舊壩寬二十
丈不能洩水展寬四十丈共成六十丈北運河洩水
始暢雍正七年水大湧至筐兒港以下隄岸俱得保
全此壩面寬濶之明驗青龍灣二十丈壩面不能暢
洩明矣今何國宗不遵行四十丈原制議壩內添建

磯心十四座每座寬七丈共寬九丈八尺則四十丈壩面實祇存三十丈二尺磯心阻水必不暢達現未建立乘此中止仍照原寬四十丈費省工倍河西務等工程可望平穩於運道民生實有裨益

河渠紀聞

是年江督尹繼善議疏串場河存水五尺爲度按江南水利揚州一帶河道必兼權運鹽民田開人字河入芒稻閘則鹽船有閘水過陡上下不便之說再疏越河築三空閘底高於芒稻三尺以平其流又以芒稻洩水過大恐掣鹽河之水下洩水淺不能任載議建開築壩二條復經會議開壩俱不可行惟加挑串場河使蓄水常存五尺無礙鹽運而議始定至是

疏稱鹽河蓄水須以五尺爲準查如臯丁堰至豐利掘港場百二十里爲鹽艘必由之道自丁堰至三岔河水俱深通岔河迤東至掘港場五十里止深二尺至四尺餘不等應請分段浚深蓄足五尺以利運行又如臯力乏橋至周于溝三十七里入泰州新河口至拚茶場東新橋三十九里鹽河一道乃拚茶角斜兩場運鹽要津兩岸數十里竈田均資蓄洩灌溉現在水深二尺至三尺餘不等應請加浚蓄水五尺新壩橋向有土壩內蓄河水外攔海潮河水大聽其由滾水壩出海潮大亦必過壩方入出入俱有分寸又泰州劉莊場至鹽城縣串場河一百六十餘里前止

估挑白駒至伍祐七十里尙有白駒南段至草堰場九十餘里以水深停浚今白駒場三里灣至草堰場三十餘里水深二尺至四尺餘不等每多淺塞查草堰白駒劉莊伍祐等場之鹽俱由此運載兩岸竈田亦資灌溉應請一律疏浚如此通河籌計隨其淺深高下蓄水五尺以符定制既不有礙鹽運息場商之異議又無需築壩建閘妨入江之水道而下河窪地民田均獲豐收再泰州河內舊有秦唐港白塔河百汊河三路旁趨入江亦甚捷便因防私鹽往來築壩堵塞致水溢下河今若將土壩改建閘門以時啟閉並挑通河路既防私鹽復洩漲水似亦兩利此爲運

河下流籌分洩入江之路疏串場河以利鹽運也靳文襄公治河書云淮南運鹽之艱有三一則串場河底高低不一天氣稍旱則河底高處卽淤多挽拽之費二則串場河不通運河凡引鹽出場必另用小船由漫灘積水湖內盤壩至運河多盤脚雇船之費三則鹽船必經芒稻河每遇水漲大溜掣船異常危險非用數百人增添繩纜設法挽拽不能過溜又多雇夫之費計每鹽一引須增費二錢不等若築隄束水則運河大船可以竟至串場河受載自串場河開行或過高郵閘或過邵伯閘寬河大港直達揚州省費旣多而鹽船又得安流爲運鹽之大利然費鉅難行

工長修守不易惟疏串場河存水五尺爲平近易行
經久不敝之道今鹽運已改道北上由六閘出口不
由芒稻以時疏濬串場河使運鹽不憂涸澀民田積
水暢洩入江無患掣水誤運民運兩益否則以洩水
之故築壩收蓄不誤鹽則渰田前車可鑒也河渠紀聞
是年修築禹王臺竹絡石壩 按郟城禹王臺原以
抵遏沐水俾東由沐陽海州南行入海不容會合蒙
沂白馬諸山河之水入駱馬湖致爲運道民生患至
是東省山水異漲將禹王臺土埽石壩各工全行衝
塌僅存竹絡石壩二十七丈並壩之南北殘缺土隄
二百餘丈難資抵禦因建壩添築九百四十丈有奇

續行水金鑑卷七十七

運河水

補舊石工三百五十餘丈嗣以壩工半當迎溜地勢
低窪加修裏戩石工捍禦臺在郟城北傳爲大禹遺
蹟旣鑿馬陵山以導沐水復築臺以遏其衝俾沐水
由沐陽海州注海不使滙入駱馬湖爲害故俗諺有
沂沐不相見見面成一片之語王新命初建竹絡石
壩陳鵬年齊蘇勒先後增修隄堰茲復加修增固漢
王景塞館陶以竹絡盛小石兩船夾載下之禹王臺
竹絡壩襲用古法堵禦洪流沐水無南下之患矣河渠
紀聞是年嵇會筠題請修築宿遷一帶運中河閘壩蓄洩
利運 按治運必以時節宣疏其來源尤必通其去

路運河水少則易竭多則易盈權盈虛而蓄洩之其
樞在於閘壩嵇文敏經大水後亟請修築疏稱宿遷
運河分黃水駱馬湖及東省諸泉之水濟運最爲緊
要駱馬湖對岸黃運交會處有東西竹絡石壩年久
失修竹絡損壞無存且當湖水頂衝碎石衝淌沙淤
凝阻又運河西岸黃墩一湖受徐邳睢三州縣唐宋
山等處會歸之水岸繞隄環水無去路應於西岸建
小石壩宣洩湖內積水又中河北岸舊有劉老澗九
孔入磯心減水石壩每遇開放勢若建瓴下口三合
土跌塘成坎石壩下雁翅底石椿木悉皆衝損各工
及時應修此運中河蓄洩之關鍵也駱馬湖口竹絡

壩始建於王新命節宣黃河大漲嗣黃河身高黃流
倒灌穿湖滙入中河妨運張鵬翮塞舊口引駱馬湖
水由舊中河逕石閘入黃河黃漲閉閘禦之陳鵬年
於宿遷黃運交會處修東西竹絡中留口門十五丈
以爲湖河關鍵張鵬翮建劉老澗九孔入磯心石壩
宣洩運水由六塘河經安東碩項湖串入運鹽河達
於海東省蒙沂白馬諸水分流入運遇漲奔騰南下
由劉老澗宣入六塘修復以資分洩西岸黃墩湖瀦
蓄之水建閘疏洩入運歸湖而皆由六塘河下海洩
湖入黃之數少由湖入海之數多奔流易泛則六塘
以下之支河疏浚不可緩也鹽河口草壩亦能洩運

河之水新安河尾尤爲喫緊取挑河之土以築隄兩
工並得今河身愈高通黃之壩皆塞汎水入運惟恃
六塘宣洩六塘去路在潮漣諸河由沐海歸壑之分
渠以時鑿深暢流東出運隄之險平矣近時黃水不
入中河河道日漸刷深暢流下注無藉劉老澗石壩
分洩王營減壩亦不時開俾六塘河洩水東注又非
一閘一壩之能爲功也

河渠紀聞

雍正十一年正月

上諭內閣江南范公隄爲沿海之藩籬鹽場之保障聞
現在殘缺甚多急應修築堅固現據兩江總督魏廷珍
委員確勘料估著卽一面具題一面乘二三月間作速

續行水金鑑卷七十七

運河水 五

興工使沿海窮民得以傭工餬口但工程綿遠需大員
董理著交與協理河務西柱督率各工悉心查辦

憲

皇帝聖訓

三月朱藻奏查臣濟標中左右及城守四營原額兵
丁一千九百二十一名蒙

皇上天恩賞銀六千兩交與濟寧州各當商營運生息
按月加二已獲利息銀四千九百二十兩雍正九年
添兵一千名雖在

恩賞之後已經臣咨請部示卽在此項利銀內一例賞
給以上係馬步戰守之兵也河南河兵一千一百名
蒙

恩賞銀六千兩交祥符等州縣各當商營運生息每年
長年加二共獲利銀三千九百七十八兩零再查雍
正四年何國宗等改設河兵四百名雍正五年嵇曾
筠改設河兵二百名此六百名從前

恩賞時未經開入河兵數內臣查此六百名河兵雖添
在山東地方實與河南一千一百名河兵皆習練樁
埽之兵丁與濟寧四營戰弁兵丁不同查同一

恩賞銀六千兩濟寧四營領此六千兩利銀者已有兵
二千九百二十一名之多不便再將此六百名撥隨
濟寧四營一體領賞似應撥歸河南河兵內共計兵
一千七百名在河南利銀一體領賞臣已咨明戶部

並示諭於雍正十一年正月起不分馬步吉禮賞銀
四兩凶禮賞銀八兩一例開賞矣

運河道冊

四月十五日嵇曾筠奏宿遷駱馬湖向來四五月間
水涸艱於濟運上年秋後臣嚴飭廳汛多築草壩束
水廣爲瀦蓄昨桃汛後正值糧艘盛行需水接濟隨
挑開各草壩湖水俱從十字河口暢注運河再桃源
縣運河古城汛內舊有砂疆橫亘是以重運經臨每
多淺澀上年開挖深通不用多挽舟行便捷又邳宿
運河西岸舊有黃墩一湖上受徐邳睢三州縣唐宋
山等處之水因岸繞隄環水無出路漫延阡陌臣亦
於上年題明動帑一千餘兩並撿取沿河舊石建造

小閘一座開放積水不惟濟運且涸出河灘千有餘頃小民得以種麥至黃運湖河歲搶工程臣俱逐一詳勘飭該管官下埽加鑲務使高出水面八九尺至一丈餘不等足可抵禦汎水奉

上諭覽奏運河水勢深通糧艘利涉無阻並工程齊備各情形朕心深慰卿宣防有術殊屬可嘉

批諭旨 殊

七月十五日岳濬奏上月三十日據德州報稱衛河上流漲水暴發境內隄岸加防復值二十三、四等日大雨晝夜不息河水倍增洶湧隨於二十四日將東岸老虎倉衝溢隄口五十餘丈直注東北又州城小西門外振河閣石岸甑岸俱有衝坍現在搶修等語

續行水金鑑卷七十七

運河水 七

臣隨委員弁賚銀馳赴德州交該州備料作速修築並令該員弁等將德州左近河隄逐一查覆今據稟稱老虎倉溢口一處約五十餘丈水深五六七尺不等其水直趨東北向直隸之吳橋寧津並東省德平樂陵等縣流去該州督率人夫於本月初二日興工下椿上緊堵塞又振河閣下護城石岸坍塌一段長一十二丈寬二丈甑岸坍塌一段長一十七丈寬二丈現在下埽墊土日夜防護又德州衛所管河道哨馬營隄岸漫溢一段長三丈四尺第三店隄岸漫溢一段長二丈三尺該備均在搶修等語臣隨檄委署糧道廣壽督催該州衛修築剋期完竣復據德州並

德州衛報稱該州衛境內既有溢水又有積潦田房均在被水又鄰近衛河之冠縣武城並溢水所經之德平樂陵皆被淹灌各詳報到臣隨會同督臣王士俊飛飭布政司委員逐一查勘惟冠縣水退無礙田廬其德州等處先將境內積瀦設法疏導凡被水窮民房屋坍塌無可棲身者按等給銀令苦蓋草舍仍履畝細勘秋禾果否成災據實申報

批諭旨

硃

九月初三日直隸總督李衛奏畿南漳河多係民堰舊隄每年夏秋山水驟發勢猛州縣各顧本處未能齊心保護雖有漳河同知一員常至顧此失彼而清河道相去遙遠鞭長莫及是以臣前請以順廣大三郡河工分歸復設之大名道就近辦理但恐新任之員未卽熟諳查現任清河道宋韋金誠謹小心於漳河形勢已歷數年而大名等三府民情與伊原籍河南無異可否以之調補大名道將全漳河務責成專辦於地方河工似覺相宜謹奏奉

上諭覽奏俱悉

批諭旨

硃

是月初六日大學士管理江南河道總督事務嵇曾筠奏沿海范隄工程侍讀學士西柱奏請大爲修築臣率領道廳並州縣印汛等官沿隄確勘查宋范仲淹創築此隄原係因地因時酌量建設嗣後瀕海竈戶隨圯隨培自爲修補經六七百年海汊遷徙不常

居民聚散不一地形高下不同往往有昔與海近而今遠者亦有昔與海遠而今近者則隄岸修舉自當因去海遠近分別工程緩急方能利及商民今自淮安府阜寧縣廟灣場起至通州呂四場止共計二十五場延亘六百餘里除泰州屬拚茶斜角二場范隄臣於去冬逐加勘度議奏於舊隄內移進四五里建築越隄一道旋經西柱遵奉

諭旨動用運庫商捐銀二萬三千四百餘兩建新補舊一律完竣現今捍禦鹹潮毋庸議修外其次則如阜豐利掘港馬塘通州石港西亭金沙餘西餘中餘東呂四等十場亦經西柱擇其殘缺動支運庫捐銀量

行修補其餘未修之工竈戶鹽總亦自行葺補高厚一律完整無庸修築者也再有泰州富安安豐梁垛東臺何垛五場現在地勢高阜廬舍市廛聯接居住年深日久查勘舊隄有改作民房全無基址者有僅存隄形者訪之居民僉云百餘年來海潮去遠久無鹹水灌入村莊是此隄不必重修明矣又興化鹽城阜寧所屬白駒伍祐廟灣三場舊隄雖高矮不等但地俱高阜去海亦遠居民僉云潮水最大時去隄尙十餘里並未漫及隄根是此地實非緊要均可緩爲修築祇有地勢低窪如泰州草堰場應修隄六百一十二丈小海場應修隄一百三丈丁溪場應修隄四

百三十二丈興化劉莊場應修隄二百四十五丈鹽城新興場應修隄六十餘丈其計范隄一千四百五十餘丈地形卑下應間段加修自二三尺起至五六尺不等各工共估計動用運庫捐銀三千餘兩卽足捍禦潮汐請照黃運兩河隄岸之例召募近民充當堡夫挑積土牛修補殘缺並搜捕穽鼠填墊水溝每夫一名月給銀五錢每歲約計銀二千餘兩仍令各場大使就近募充每月動支運庫捐銀散給其修理隄工責成汛員查核催儻奉

上諭卿旣再三斟酌自中肯綮朕焉有信不及處卽照所議施行可也

批諭旨 硃

續行水金鑑卷七十七

運河水 二十

十二月初七日工部議得河南山東總督朱藻等疏稱山東德州城振河閣下護崖甃工長一百六十一丈切近城垣坐當運河頂衝經年水擊甃性鬆脆每易蟄裂親赴該工相度應於城西南上游馬家回溜起至舊月河頭底估挑引河其舊河估建攔水夾土埽壩俾水歸引河城垣避衝實爲一勞永逸之計今估挑引河長二百六十五丈又估建攔水夾土埽壩後幫土戩長二十六丈共需土方工料銀八千二百六十三兩五錢二分二釐在山東司庫雍正十一年地丁銀內動支飭該管廳印各官領帑興工造冊具題應如所題奉

旨依議

運河道冊

是年直督王朝恩奏報伏汛水勢大漲北運減水各壩暢洩無虞 按北河伏汛漲水惟漳溢南北運四河水勢甚盛一日之內陡長丈餘其漳河長水挾衛汶兩河奔流而下維時南運河東岸縷隄漾開溢出直由南窪入海而北運河水勢驟漲雖亦出槽平隄賴青龍灣筐兒港減壩宣洩得以無事先是何國宗牛鈕查勘北運河工程青龍灣筐兒港均關緊要修減水壩開挑引河以備宣洩前時壩門加寬四十丈引河亦加寬四十丈拆去舊引河南岸廢隄以順水勢又沿舊隄開挑深槽直達塌河淀寬十丈深三四

續行水金鑑卷七十七

運河水 三

尺至六七尺不等並將河口淤高及舊河淤處俱爲開挑使水暢流塌河淀下口有陳家溝舊河寬八九丈東隄舊河寬六七丈賈家沽新河寬八丈計三河寬不及三十丈再於賈家新河旁大開洩水河寬三十丈俾暢流歸海並將河西務城北老崖舊隄及要兒渡舊河口大壩保護堅固節節疏通束水歸流自無不固其防者所益於北運者不少也故南運滄州水溢北運得以無警修防導流曷可不早哉

河渠紀聞

是年大學士仍管理江南總河事務在任守制嵇曾筠署理江南河道總督印務高斌奏辛家蕩縷隄舊有減水石壩係康熙四十年前河臣張鵬翮題建以

備洩黃異漲嗣因黃流順軌海口深通隄內村民稠密此壩從未開放淤廢已久自應將舊石拆移別工應用查揚河廳寶應縣西隄向有竹絡壩一座原備宣洩運水雍正九年因壩底年久虛鬆臣嵇曾筠請另建新壩照例蓄洩但水長挑壩開放保隄水落下埽堵蓄濟漕旣非一勞永逸且有歲修之煩不若將辛家蕩舊石拆於寶應西隄審擇地基改建減水石閘因時啟閉且建閘後舊時埽壩可永遠堵閉一轉移間不特無用舊石皆成有用可省錢糧而揚屬運隄益資鞏固漕運民生均有裨益奉

上諭因地制宜移彼就此卿之措施諒應不謬也

硃

批諭
旨

雍正十二年正月二十六日直督李衛奏運河上游直屬故城等縣與東省德州衛並武城縣毘聯係河流東注轉灣之處向未築有隄堰惟憑崖岸高深遮護內地設遇水發宣洩不及由灣底低處出槽漫溢直趨景州吳橋等處此兩省運河交界各地方亦宜料理整備因面與河臣朱藻撫臣岳濬商酌彼此委員查勘將崖岸低缺者培築高厚如有一律單薄地方勸民僦築土堰以工代賑一舉兩便又直境運河地勢蜿蜒原因當年漳水不藉運道出海以爲停蓄濟運防其驟洩淺塞之故但自導引全漳歸運出海後

源頭勢猛常患漫溢一遇河身曲折衝決民田又當擇河流激湍對頭大灣難轉之處開通無阻既與兩岸田廬險工有益亦於漕運無悞奉

上諭所陳三條內惟開通大灣一說似不合宜不但徒費工力無益且恐河身改直之後勢猛流急更易潰決也餘照議施行

批諭旨

硃

三月初六日署理江南河督布政使高斌奏謹將河務情形開畧奏請

聖訓 一駱馬湖口十字河之竹絡壩係宿遷黃運交匯之處今壩外支河淤淺黃溜南移相度形勢將支河挖深二尺開挑河口引導黃流以便徐州糧艘由

續行水金鑑卷七十七

運河水

三

此入運 一今春運河水深足用惟宿遷車路口桃源之砂礮溜磯心灘二處河底俱係硬砂歷來春月水淺漕臣魏廷珍向臣言必得四尺五寸深水重船方不起剝臣探量水底加築束水草壩又以參將朱永凡之言於河中接築順水草壩水勢添長糧船過行無阻 以上七條

今按四條皆係照常例事一條黃河常例此冊但存二條臣

近日所辦河務情形節畧據實敬陳奉

上諭覽奏所辦河務大概情形知道了勉之毋怠

硃

批諭旨

四月十三日工部議得河東河督朱藻奏東省黃運兩河幅幘廣濶其間歲搶各修及空重往還從前設

濟寧道一員督查不管地方民事康熙五十八年撫臣李樹德題請改濟寧道爲兗寧道將兗州府二十七屬分隸管轄始有地方之責雍正九年撫臣岳濬又以兗寧道專司河務難於兼顧題請復設駐沂道一員改兗寧道爲曹東道止轄曹東二州本年十月接准部咨嗣後各省直隸州知州承審本州自理刑名命盜等案俱責成該道照知府承審之限核審轉解奉

旨依議在案竊思東省黃河自曹縣芝麻莊起至單縣諸望壩止長二百四十里運道自嶧縣黃林莊起至德州桑園鎮止長一千二百餘里該道東西查核南

續行水金鑑卷七十七

運河水

三

北修防日不暇給再以曹東二州刑名等事責其審轉萬一汎水長發住宿隄頭而解審案件又復彙集若令靜候工完則違限之咎難辭叩懇

皇上天恩可否將曹東道改爲山東管河道專管通省黃運兩河事務所屬曹州改歸兗莒沂道管轄東平州改歸濟東道管轄則職守專一不致顧此失彼等因應如該督所請再兗莒沂道員缺現據河東總督王士俊題請裁汰改設河東按察使分巡兗沂二府事務其管轄曹州之處臣部另行疏題仍令該督撫將各道經管事宜造冊送部可也奉

旨依議

運河道冊

七月二十六日岳濬奏臨清以北之衛河遠通河南衛水山西漳水上源雨漲衆川匯流自六月二十六日起連次報增至七月初九日長至二丈有零隨於本日亥時將德州衛哨馬營白鹽地方漫溢東岸寬十丈餘水注曹家隄口入鉤盤河以達老黃河據該州衛飛報臣思白鹽地方卽臣與直督李衛等會勘開河之道原係衛河頂溜關繫匪輕隨備具料銀委員馳送德州交糧道廣壽給發該州衛辦料堵築並飭該道親加督率茲據該州衛詳稱現於白鹽漫口建築月隄一道長六十五丈圍阻溢水自十一日起至十五日巳時合龍衛河漲水不復旁注坡地存水

悉退等語合據實奏報奉

上諭適據李衛亦已奏聞衛河漫口堵築迅速剋期竣

工甚屬可嘉

批諭旨
硃

九月十二日工部會議得東撫岳濬等疏稱德州地方正在衛河回溜頂衝之處每經漲發直潰東隄應開渠引水出陳公隄歸老黃河入海以備宣洩經臣奏准部行會勘議題今於正月十四日會同查勘德州城北有哨馬營地方在衛河東岸距州城八里應於此開挖新河東行十里至陳公隄由曹村隄口放水入鉤盤河故道東北流至直隸吳橋縣之玉泉莊歸老黃河經寧津南皮樂陵鹽山慶雲至海豐之大

沽河入海應於哨馬營建滾水壩一座上設石柱板橋以接緯道自壩塘口起至鉤盤河中心止挑河一道兩岸各築遙隄酌開涵洞四座以宣洩德州城東坡水復於哨馬營至曹村口東西適中之盧家莊前建橋一座以通行旅仍將鉤盤河老黃河疏濬淤淺其陳公隄殘缺處逐段修補臣等確估哨馬營建滾水壩口寬三十丈壩面高一丈六尺壩上南北兩牆各高九尺六寸前修迎水後修分水仍於分水下平鋪塘口長三十丈壩上建石柱二十九路上搭板橋共需工料銀五萬一千四百七十八兩七分零自壩下塘口起至曹村隄口外鉤盤河中心止挑河一道

長一千七百九十五丈挑深五六尺至四尺不等近壩塘河挑寬三十八丈以下逐漸收束由三十餘丈至十六丈不等共需土方銀二萬七千八兩二錢一分零又於兩岸各築遙隄相鉅一百丈南隄長一千八百二十八丈北隄長一千八百三十丈因地加高隨高加寬底寬六丈至七丈六尺頂寬一丈八九尺至二丈高隨地勢八九尺一丈不等卽以挑河之土堆貯兩岸每方加夯礮銀三分共需銀二千七百六十七兩九錢一分零又於南岸遙隄內設立涵洞四座需工料銀三千一百三十四兩七錢四分零又於盧家莊前建石柱板橋一座需工料銀五百四十六

兩八錢一分零其德州鉤盤河應挖淺三段陳公隄應補築缺口十四處共需土方銀二千八百六十一兩七錢八分零又吳橋等縣境內應疏挖鉤盤河三段老黃河二段應補築陳公隄缺口二十三處應幫培護城隄一道共需土方銀五千一百四十九兩四錢九分零以上共估計銀九萬二千九百四十七兩零查東省工程共需銀八萬七千七百九十七兩五錢二分零直隸工程共需銀五千一百四十二兩四錢九分零應各照銀數在各該省藩庫本年地丁銀內支用工竣各由本省報銷再該工需料繁多且離山寫遠採辦椿石灰汁等項均需時日一面發帑辦料以免稽遲又自哨馬營開挖至曹村隄口均係民間有糧之地應給還地價畚除錢糧現飭該管府州確查由司核報應如所題奉

旨依議

運河道冊

是月十五日稽曾筠白鍾山奏裏河廳屬清江浦有龍汪石閘一座當南北通津運道民生攸關建造百餘年未經修理水勢溜急根底虛鬆北岸迎水石牆蟄卸三丈餘尺其餘閘牆亦多脹裂亟須重築以濟漕運現飭淮揚道確估閘座工料冊具題請

旨臣等伏思拆閘重建築壩興工動經數月方能告竣轉瞬重運北上恐誤遄行今於龍汪閘迤上鳳陽廠

自五孔橋至雲壤口查有舊引河一道長一千五百餘丈年久淤墊形址猶存宜先將此河挑濬寬濶深通俾運河之水由此通流無誤明春運行方可築壩修閘隨檄道廳等勘估挑濬引河需二十七萬六千餘方計銀二萬二千一百餘兩又以挑土幫高兩岸隄工應用潑水夯礮並搶築新隄計銀一萬一千九百餘兩以上共銀三萬四千餘兩加以建閘工料未免費多臣等籌畫節省查江南河工額設河兵堡夫一萬餘名目下霜降已屆各廳營修防事竣正值兵夫閒暇擬於通工內抽撥兵夫調赴清江浦勒限挑築每名每日給飯食銀二分業於九月初六日開工

尅期完竣只需飯食夫工銀一萬二千餘兩不特來年重運得以遄行且閘工修竣後又可留此河身以爲運河水長宣洩之用似於運道民生均有裨益奉

上諭如此經營可謂辦國計如家務矣褒獎之外更有

何諭

批諭旨

硃

是月三十日工部議得河東河道總督朱藻奏稱東省河工錢糧自正項河銀外又有軍糧淺溜閘壩等兵夫工食之不一又有幫貼裁曠遇閘加增之不同所收之銀則有直隸江南山東三省遠近之不齊所解之處則有內部南工及東省各衙門多寡之不等而各項錢糧向例俱解運河廳東昌府兩庫名爲河

庫凡經收支解俱由該府廳爲政其餘若黃河泉河及捕泐上下六河廳兵夫工食并大小挑酌募幫貼銀兩亦由各該廳收支俟有盈餘始解河庫應用此東省歷來成規惟正雜俱係錢糧絲毫悉關

國帑款項既多頭緒百出而竟聽該府廳自收自支自解其中恐有不肖屬員輕出重入扣剋侵挪情弊况各員中每年不無升遷事故其間交代盤查文移往返胥役乘幾捏領混銷俱未可定是以該府廳凡有收解動用卽令報明備案仍不時稽核查通省錢糧旣以藩司爲總匯則通共錢糧亦應以河道爲統司豫省河工錢糧俱解貯管河道庫彙收彙貯入則有

案可稽分解分支出則有數可核今山東曹東道旣經改爲通省管河道可否照豫省例將運河東昌兩庫及黃河泉河捕河泐河上河下河各廳銀兩俱歸貯山東管河道庫嗣後凡有徵收河工一切正雜錢糧飭令徑解道庫遇有應用各廳向河道衙門支領仍令報查其有應解別處錢糧令河道查明具詳臣衙門給咨批解則經收支解俱歸河道專管而臣亦得就近查察儻有侵挪扣剋等弊卽據實嚴參庶責成專而稽查便豫東兩省河庫錢糧均歸畫一應如該督所奏奉

旨依議

運河道冊

雍正十三年七月二十六日工部議得河東河道總督白鍾山奏稱河道一切工程俱應於工竣驗工計帑核實報銷庶工不草率帑不浮冒今山東運河大小挑夫工歷係次年七月內題銷如雍正十一年冬間大挑至十二年正二月內已經完竣必待十三年七月始行銷算所挑之河久經開放其是否如式有無虛冒無可查驗設遇河臣新任或經手道廳升遷更易更無可詢之人殊難稽核因查所以隔年報銷之故緣大小挑夫工有額設淺鋪等長夫有現募酌補等人夫二項其現募人夫係按日支給工價至長夫各有本身額設工食不再另給挑價是以必俟長夫

一年工食支完始將募夫挑河工價一併彙銷但長夫工食自有收支工食本案題報何必將現募人夫所支挑河工價牽入彙題致稽歲月工帑均難查核臣於本年正月二十六日到任時雍正十二年小挑尙未完工臣督挑一竣卽飭管河道驗工核價茲據該道開報募夫一千四百五十二名給工價銀二千九百五十二兩六錢又給各夫器具銀二千八百七十二兩一錢逐一清查今歲尙有堪用器具值銀九百四十二兩等情隨飭造冊報銷並令將查出堪用器具交各廳收存爲下年之用卽於下年應發器具銀兩內照數扣除以後每年照此清查留用省費臣

查大小挑工完卽行驗勘核查卽如此項器具堪用
竟有三分之一小挑尙然大挑更屬可知若不早爲
稽查日久夫散必致無存甚或私行藏匿次年重費
錢糧請嗣後東省運河大小挑除額設長夫仍於收
支工食本案報銷外其現募人夫所挑河道工價務
卽勘核於工完後三個月內造冊題銷則工帑得以
隨時清楚如蒙

恩允所有十二年小挑工程臣卽催該道造冊到日核
題應如所奏奉

旨依議

運河
道冊

是月大挑東省運河奉

續行水金鑑卷七十七

運河水

三

論革除山東運河派幫民夫工食銀五萬三千四百餘
兩工用動帑報銷白鍾山補授河東河道總督高斌署
理江南河道總督印務 按東省挑河事宜大挑各州
縣募夫六千二十四名請動工價器具並下河廳雇
船價銀一萬七千二百兩零小挑各州縣募夫一千
二百五十五名價銀二千八百四十兩零此守白莊
恪定議通行悉動庫項給發東省派幫貼價全行草
除其時惟銅沛廳協濟之夫照舊力役後亦裁汰統
歸州縣募夫承辦州縣不諳工程又不常時在工致
丁役串通汶上老人侵公牽累近復除弊另定章程
委員領辦帑歸實用估挑以七尺爲度如水深三尺

佑挑四尺水深四尺佑挑三尺臨清塘河挑與閘底相平漕道通流兩岸束水行運惟興挑正在深冬徒役竭蹙將事陸朗甫言萬恭九月挑河之策允宜籌復至民無幫貼之擾官免承辦之累夫役公平受募亦可量力赴工矣

河渠紀聞

是年停築安山湖圈隄聽民墾種按運河自南旺至衛河四百餘里別無來源需水接濟宋禮經營漕河既成設水櫃圈築安山湖隄蓄水助漕爲四大水櫃之一湖廣百里高者宜田卑者宜櫃卑者止四百六十頃前明於高下相承處築壩畫分增建二閘於似蛇溝八里灣窪地以爲蓄洩順治七年河決荆隆

續行水金鑑卷七十七

運河水

三

口湖口填淤聽民墾種雍正四年何國宗議將安山湖復設水櫃重築臨河並圈湖等隄修通湖似蛇溝二閘并於八里灣十里鋪兩廢閘間建石閘曰安濟閘閘下各設支河通入湖心湖南六隄口每處建閘挑河以納陂水又請開柳長湖引魚臺陂宋家窪兩處積水入湖中隔金線嶺不通復請從金線嶺北魚營陂開河下注柳長河入湖又從金線嶺南宋窪開河東出兼濟閘入運其後河並淤高不能洩水至是以東撫岳濬言止其役濬言湖水無源不堪復作四櫃停築圈隄湖自荆隆漫淤後形如盤碟淺不蓄水兼地燥沙漏存水不久屢議興復不果蓋限於不得

不停之勢也四百餘里之閘河無水接應本費籌畫
張伯行議開沙河棗林二河之水入運濟漕棗林卽
趙王河分支也沙趙工大難舉由運洩入大清未易
兩利各閘層層關束上啟下閉節洩以時亦可無廢
事矣

河渠紀聞